

DURNYAŃ KIKE BE KEYILI KPRA TA LAŃE DIMEDI KIKE BE KUMU SO BE ASHYEŃ NĚ MOBE KASHINTEŃ AKPA

ASHEŃFESO

Kepin nĚ kemaŋkura, dimedi be eyilikpa nĚ mobe kumu so be asheŋ e la mobe kashinteŋ nĚ eyur-wushi be egbel-tulwase.

Kedo nĚ kekplaŋ dimedi be kashinteŋ ere so e naa bra barkoŋe, a duu mfera lubi dimedi be kumu to, n naŋ shi nĚ durnyaŋ to dimedi bu kebaa malga yelyela, eboreshuŋ, kayeŋi-yeŋi nĚ kanye kii asheŋ kpakpa so bebolpo kuto.

Ku daga fane awura-sheŋ be mbra ka bee kuŋ dimedi be kashinteŋ n sa maa shi nĚ eko maa kini mo barkasa nko a nyaŋ mo.

A daga keteŋi efuli-ana be kakurwe kelepo so.

Yunatĕd Neshin be baasa sa yerda kawol to ta a laŋe baasa be kashinteŋ-kpra nĚ bumode eyilikpa nĚ bu tiŋ teŋi bumobe kachena nĚ kebawo to lala be akpa so.

Efuli-ana nĚ a wo koŋokoŋwole ere to bo ntaŋ fane baŋ pe abar be nsher to n nya bunyaŋ nĚ kemaŋkur kashinteŋ ere to.

Ekama be kepin kashinteŋ nĚ kumu so be asheŋ ere e la demu kpra nĚ ku beeŋ che to n teŋi ntaŋ ere so. Naniere, kumo so.

Durnyaŋ kike be nsher gboŋ nna yili dimedi kike be kumu so be asheŋ nĚ kashinteŋ ere.

Amuso, Kamalga ere to

BEE IJINI FANE "GENERAL ASSEMBLY" BEE

Kaŋe ekama fane kayili nĚ kuwo kawol ere to la amo nĚ a beeŋ wo to anfaani nsa ekama mo ne ewo efuli nna so. Ekama nta n-ya mata durinya kike be mmalga yiliso so. Adaga efuli kike eshuli n sa kamalga mo nĚ kuwo kawal ere to nta kumo nki kapate nsa anye. Nsa nĚ kamalga ere eluri efuli kike nene: epeŋi petekpa, epeŋi-toŋkpa, banaso, jisaso kuso nĚ adaga anye kike ewuro nna ela.

Demu 1

Bu kurwe dimedi kike mobe kumu so, nĚ mobe, eyilikpa, kesheŋ nĚ kashinteŋ maŋ ko eko peye to. Nyinpela sa dimedi kike lakal nĚ mfera fane bu chena abarso kelepo so.

Demu 2

Ekama ko ekpa ta a laŋe kashinteŋ ere kike nĚ kumu so be asheŋ nĚ a wo keyili kpra ere to nĚ nkpieto kike maŋ wo to ashi yiri, kawol be ndu li, kenye/keche, ngbar, ebore shuŋ, kumu be kekeni nko lakal ko, efuli so nko kebawo to be ekpa so, kapite, kakurwe nko eyilikpa ko be kabaso.

N naŋ tii so, nkpieto kike e sa maŋ wo to ta a yo kumu be kekeni to, demu-ji to, nko efuli nĚ fo shi be eyilikpa durnyaŋ to nĚ loŋ be efuli nna suwe kumo kumu a keni kumo kumu so, nko efuli ko e naa keni kumu so ekpa ko so.

Demu 3

Ekama ko kashenteŋ nĚ mobe efute nĚ mobe kumu be kekuŋ.

Demu 4

A maŋ daga nĚ eko e baa wo kenyanya nko kanyaŋ to. Kenyaya, kenya-to nĚ kenya-fa be ekpa kama so daga ku ju.

Demu 5

A maŋ daga bu ka nyaŋ eko nko n wo to mo ebasa to, nko n gberge mo kusoe.

Demu 6

Ekama ko kashinteŋ, kaple-kama nĚ e wo nĚ bu pin fane esa e la mo mbra be ekpa so.

Demu 7

Ekama na la kukoŋwule nna mbra be ekpa so, a daga nĚ mbra na e kuŋ ekama nĚ nkpieto maŋ wo to.

Demu 8

Ekama ko kashinteŋ nĚ bu yolge mo ashi efuli na be demu-ji akpa nĚ e ya do kashinteŋ kpra nĚ mbra yili mo nna

so.

Demu 9

Ekama maɲ daga nɛ bu pɛ mo jiga-jiga so, nko nɛ bu tii mo ebu nko n ju mo jiga-jiga so.

Demu 10

Ekama kɔ ekpa nɛ edemu-ji kpa nɛ a wɔ amobe amu so, a maa kpɛ to na nɛ a mige mo to nɛnɛ nɛ jama kikɛ e nu ta a laɲ mobe kashintɛɲ, ashɛɲ daga so nɛ kusoe gberge nɛ baɲ sa mo.

Demu 11

Ekama nɛ bu fa fo, fo kɔ kashintɛɲ nɛ fo keni kefa nna, amɔ bu ji na mbri fo mbra be ekpa so jimaa to nɛ fo maɲ tiɲ chɛ fo kɔnɔ.

A maɲ daga nɛ bu fa ekama nkpal kesheɲ nɛ ku maɲ daga kusoe gberge so ashɛ efuli na nko efuli-ana kikɛ be mbra so, saɲɛ nɛ e wɔɔ la be kesheɲ na. A maɲ naɲ daga nɛ bu gberge esa kusoe nɛ ku baa chɔ kumo nɛ bu junkpar n sa mo saɲɛ nɛ e wɔɔ loɲ be kesheɲ nna.

Demu 12

A maɲ daga nɛ fo luri fo barkasa be ashɛ to jigajigasɔ, mo dawule, mobe keyale nko mobe keɔɔaya akpa, nko nɛ fo tige fo barkasa be jilma nɛ mobe eyilikpa so. Ekama kɔ kashintɛɲ nɛ mbra na e kuɲ mo ashɛ baasa be kebaa luri mobe ashɛ to nɛ ketige nko nduwe mobe jilma so.

Demu 13

Ekama kɔ kashintɛɲ nɛ e baa nite mobe kumu so yɛlyɛla n naɲ tiɲ chena mobe efuli so.

Ekama kɔ kashintɛɲ nɛ e ler efuli kikɛ so, nɛ mobe efuli so gba n naɲ tiɲ m beta m ba mobe efuli so.

Demu 14

Ekama kɔ kashintɛɲ nɛ e yɔ efuli ko so n ya mɔlwe mobe kumu.

Nɛ bu fa esa kumobe ekpa so nkpal ashuɲ lubi nɛ e maa liɛ efuli na be kumu be kekeni be ekpasɔ nko ashɛɲ nɛ a bee dɔɔ kɔnɔkoɲwule be mbra na so, le be kashintɛɲ maɲ wɔɔ.

Demu 15

Ekama kɔ kashintɛɲ nɛ e shi efuli ko so.

A maɲ daga kekini eko mobe efuli so be keshi jiga-jiga nko n kini mobe kechɛrga efuli nɛ e shi na so.

Demu 16

Benyɛn nɛ beche ya bulɔ, bu kɔ kashintɛɲ nɛ bu kil n taɲɛ kanaɲ nɛ sheɲ maa kuɲ bumo fanɛ yiri, efuli nɛ bu shi na so, nko kananɛ baa bunyaɲ ebɔrɛ. Bu kɔ kashintɛɲ koɲwule ashɛ kakil to nɛ kakil gbɛɲi so to.

Pɔɛ nɛ baasa e kil abar, a daga nɛ bumo-wura-ana be kenyi kikɛ e baa wɔ kakil na to.

Kanaɲ la ebɔrɛ so be kesheɲ na n naa la baasa to be katuɲ junkpar po nɛ a daga nɛ jamaa nɛ efuli kikɛ e baa kuɲ kumo.

Demu 17

Ekama kɔ kashintɛɲ nɛ e baa kɔ mobe kumu so be kapitɛ nko mo nɛ mo bra-ana.

A maɲ daga kepuni nko m mɔn eko mobe kapitɛ.

Demu 18

Ekama kɔ mobe kumu so be mɛra be kashintɛɲ, lakal nɛ kananɛ e bee bunyaɲ ebɔrɛ. La be kashintɛɲ tii mobe kechɛrga kananɛ e bee bunyaɲ ebɔrɛ nko mobe yerda, nɛ mobe kumu so be keshuɲ ebɔrɛ-shuɲ mo nawule nko mo nɛ mo bra-ana.

Demu 19

Ekama kɔ mobe mɛra nɛ kamalga be kashintɛɲ. La be kashintɛɲ tii kumu so be mɛra be keɛ nɛ sheɲ maa kuɲ mo, e naa kɔ mobe kashintɛɲ nɛ e fin, n nya nko n sa keɔɔaya nɛ lakal ekpa kikɛ so nɛ mbarga kikɛ maɲ wɔɔ.

Demu 20

Ekama kɔ mobe kashintɛɲ nɛ e ba wɔ kagbenewushi be nsher to.

Bu maa nyaŋ eko a wɔto nshɛr ko to.

Demu 21

Ekama kɔ kashintɛŋ nɛ e baa wɔ efuli so be awura-shɛŋ to mo gbagba nko nɛ bu lara ba sa yɛlyɛla so nɛ bu yili bumo be ntilemu.

Ekama kɔ kashintɛŋ nɛ eji mobe efuli so be kusɔnɛ ku la ekama peyɛ be tunɔ kananɛ eko gba beɛŋ ji kumobe tunɔ nna.

Baasa be aparshɛŋ a daga a ka la awura-shɛŋ be egbel tulwase la be aparshɛŋ daga nɛ a shi saɲɛ saɲɛ be kɔnkɔŋ be keɛ kashintɛŋ be ekpa so n naa la ekama be kesheŋ nɛ baa lɛ kɔnkɔŋ nna kegblando nko kumo nɛ ku bɛ kɔnkɔŋ be keɛ be mbra so.

Demu 22

Fo kama nɛ fo wɔ baasa to, fo kɔ kashintɛŋ nɛ baasa e kuŋ fo, a daga nɛ fobe efuli so nɛ efuli-ana kikɛ ka pɛ abar be kasher to, efuli-ana be keblase to nɛ amobe kapitɛ be albarka to nɛ fo nya eyilikpa nɛ naŋkur nɛ ku daga fo dimedi nɛ dankare be ekpa so.

Demu 23

Ekama kɔ kashintɛŋ nɛ e shuŋ kushuŋ, nɛ e fin mobe kumuso be kepar ke Kushuŋ n naŋ shuŋ kushuŋ mbra be ekpa so n naŋ kuŋ mobe kumu ashi ketase fulonɔ to.

Ekama kɔ kashintɛŋ nɛ bu ka mo kakɔka koŋwule nɛ kushuŋ koŋwule nɛ nkpiɛto kikɛ maŋ wɔto.

Ekama kɔ kashintɛŋ nɛ e ji mobe kushuŋ be tunɔ, mo nawule nko mo nɛ mobe keyale nɛ e naa wɔ kebawɔto nɛ ku daga dimedi, n naŋ fin kecheto ko nɛ ku daga ashi baasa kuto.

Ekama kɔ kashintɛŋ nɛ e baa wɔ beshumpo be kɔnɔkoŋwule to nɛ bu baa kuŋ mobe aparshɛŋ.

Demu 24

Ekama kɔ kashintɛŋ nɛ e wushi ashi mobe kushuŋ akpa nɛ mobe ketase fulonɔ to, kushuŋ na be jemanɛ e sa maŋ pɔɔ eshumpo na so nɛ e naŋ nu ebel ashi saɲɛ saɲɛ be ewushi nɛ ku kɔ kakɔka.

Demu 25

Ekama kɔ kashintɛŋ nɛ e ba wɔ kebawɔto lɛla to, mo nɛ mobe keyale, ta alaŋɛ eyur be alemfia, ajibi-ji so, asɔ-buuso, kowu chena so to nɛ kusɔ kama nɛ ku la jamaa peyɛ, e naa kɔ kashintɛŋ nɛ e kuŋ mobe kumu saɲɛ nɛ e maŋ naa wɔ kushuŋ to, nɛ e ka wɔ kulɔ to, nɛ kekulwu to, nɛ kenimu to nko kebawɔto ko nɛ ku maŋ duli mo.

Kenio to nɛ kebia to, kikɛ daga kekeni so nɛnɛ n naŋ daga keche to. Mbia nɛ bu kurwe kakil to nko kejipo to daga kakuŋ koŋwule.

Demu 26

Ekama kɔ kashintɛŋ nɛ e nya kebala nɛ kabii. Kebala nɛ kabii daga nɛ bekekarso na e nya kumo yɛlyɛla. Kebala nɛ kabii kekarso beɛŋ ba la boshinɛ. A daga ekama ka nya enɔ to nɛ broni be ashuŋ be kebala nɛ kabii; benimu malɛ be kebala nɛ kabii malɛ daga nɛ ku bɛ kenyi so.

Kebala nɛ kabii beɛŋ liɛ dimedi be eyur kudu-anyɔ kikɛ, n naŋ wɔto elɛŋ to, jilma ta a laŋɛ dimedi be kashintɛŋ nɛ mobe kumu so be asheŋ kpra ere. Ku beɛŋ teŋi kenu-n-sa-abar so, kanyiti nɛ kenakpa efuli-anan to, yiri nko ebɔrɛ be beshumpo be ntunso-ana to, n naŋ teŋi. Durnyaŋ be efuliana be kɔnɔkoŋwule be kebawɔto kikɛ nɛ kaŋbene wushi e baa wɔto.

Benawura-ana kɔ kashintɛŋ nɛ ekpa nɛ bu lara kebala nɛ kabii be ekpa nɛ ku daga bumobe mbia.

Demu 27

Ekama kɔ kashintɛŋ mobe kumu so nɛ e tiŋ wɔrɔ mobe baasa be adankaresheŋ n naŋ tiŋ ji adankare be asɔ lonɛ so nɛ kabre be kache be kinishi buwi be kenyi be tunɔ.

Ekama kɔ kashintɛŋ nɛ ekpa nɛ e kuŋ mobe kumu so nɛ kebeleŋ be kushuŋ.

Demu 28

A daga nɛ ekama e nya dimedi nɛ efuli-ana kikɛ be kebawɔto, nɛ kashintɛŋ nɛ kumu so be asheŋ nɛ a wɔ keyili kpra ere to e kurwe ebi lɛla.

Demu 29

Ekama kɔ mobe kushuŋ baasa to, bumo to nɛ e bee kii esa lɛla.

Nɛ esa bee bo mobe kashintɛŋ nɛ kumu so be asheŋ so a daga nɛ e baa de mbra so, saɲɛ na so e maŋ tɔr mo

barkasa ko be geshi to, loŋ e been wɔrɔ kusɔnɛ ku daga nɛ asheŋ e be abar so nɛnɛ nɛ yɛ-nɛ-n-yɛ be kebawɔtɔ e nya edesekpa baasa to.

Kashinteŋ nɛ kumu so be asheŋ ere maŋ daga ku wɔrɔ amo m foe ekpa kanane durnyaŋ be efuli-ana be kɔnɔkɔŋwule yili kumo nna.

Demu 30

Sheŋ maŋ wɔ kawol ere to a ŋini fane efuli ko pkelen, baasa nko esa ko dawule peye nna, amoso eko maŋ ko ekpa nɛ e wɔrɔ kesheŋ ko nɛ ku been jija kashinteŋ nɛ kumu so be asheŋ nɛ a wɔ kawol ere to.